

春天古诗25首

1.
垂杨拂绿水，摇艳东风年。花明玉关雪，叶暖金窗烟。美人结长想，对此心凄然。攀条折春色，远寄龙庭前。——李白《折杨柳·垂杨拂绿水》
2.
瑶草碧，柳芽黄，载将离恨过潇湘。请君看取东流水，方识人间别意长。——严巨《鹧鸪天·惜别》
3.
东风何时至，已绿湖上山。湖上春已早，田家日不闲。沟塍流水处，耒耜平芜间。薄暮饭牛罢，归来还闭关。——丘为《题农父庐舍》
4.
新妆宜面下朱楼，深锁春光一院愁。行到中庭数花朵，蜻蜓飞上玉搔头。——刘禹锡《和乐天春词/春词》
5.
花榭香红烟景迷，满庭芳草绿萋萋，金铺闲掩绣帘低。——毛熙震《浣溪沙·花榭香红烟景迷》
6.
律回岁晚冰霜少，春到人间草木知。便觉眼前生意满，东风吹水绿参差。——张栻《立春偶成》
7.
春苑月裴回，竹堂侵夜开。惊鸟排林度，风花隔水来。——虞世南《春夜》

8.
造物无言却有情，每于寒尽觉春生。千红万紫安排著，只待新雷第一声。
。——张维屏《新雷》

9.
草树知春不久归，百般红紫斗芳菲。杨花榆荚无才思，唯解漫天作雪飞。
。——韩愈《晚春》

10.
春风多可太忙生，长共花边柳外行。与燕作泥蜂酿蜜，才吹小雨又须晴。
。——方岳《春思》

11.
春宵一刻值千金，花有清香月有阴。歌管楼台声细细，秋千院落夜沉沉。
。——苏轼《春宵》

12.
堤上游人逐画船，拍堤春水四垂天。绿杨楼外出秋千。——欧阳修《浣溪沙·堤上游人逐画船》

13.
树绕村庄，水满陂塘。倚东风、豪兴徜徉。小园几许，收尽春光。有桃花红，李花白，菜花黄。远远围墙，隐隐茅堂。飏青旗、流水桥旁。偶然乘兴，步过东冈。正莺儿啼，燕儿舞，蝶儿忙。——秦观《行香子·树绕村庄》

14.
天街小雨润如酥，草色遥看近却无。最是一年好春处，绝胜烟柳满皇都。
。——韩愈《早春呈水部张十八员外》

15.
荒郊一望欲消魂，泾水萦纡傍远村。牛马放多春草尽，原田耕破古碑存。
。云和积雪苍山晚，烟伴残阳绿树昏。数里黄沙行客路，不堪回首思秦原。
。——周朴《春日秦国怀古》

16.

风回云断雨初晴，返照湖边暖复明。乱点碎红山杏发，平铺新绿水蘋生。
。翅低白雁飞仍重，舌涩黄鹂语未成。不道江南春不好，年年衰病减心
情。——白居易《南湖春早》

17.

劲草不倚于疾风，零霜则变；青葵善迎于白日，宇暖斯迷。——王夫之
《连珠》

18.

风回云断雨初晴，返照湖边暖复明。乱点碎红山杏发，平铺新绿水蘋生。
。翅低白雁飞仍重，舌涩黄鹂语未成。不道江南春不好，年年衰病减心
情。——白居易《南湖早春》

19.

春风如贵客，一到便繁华。来扫千山雪，归留万国花。——袁枚《春风
》

20.

独有宦游人，偏惊物候新。云霞出海曙，梅柳渡江春。淑气催黄鸟，晴
光转绿蘋。忽闻歌古调，归思欲沾巾。——杜审言《和晋陵陆丞早春游
望》

21.

暖雨晴风初破冻，柳眼梅腮，已觉春心动。酒意诗情谁与共？泪融残粉
花钿重。乍试夹衫金缕缝，山枕斜欹，枕损钗头凤。独抱浓愁无好梦，
夜阑犹剪灯花弄。——李清照《蝶恋花·离情》

22.

道由白云尽，春与青溪长。时有落花至，远随流水香。闲门向山路，深
柳读书堂。幽映每白日，清辉照衣裳。——刘昚虚《阙题》

23.

黄河远上白云间，一片孤城万仞山。羌笛何须怨杨柳，春风不度玉门关

。——王之涣《凉州词》

24.

土膏欲动雨频催，万草千花一饷开。舍后荒畦犹绿秀，邻家鞭笋过墙来。
。——范成大《四时田园杂兴·春日》

25.

别来春半，触目柔肠断。砌下落梅如雪乱，拂了一身还满。雁来音信无凭，路遥归梦难成。离恨恰如春草，更行更远还生。——李煜《清平乐·别来春半》

本文链接：<https://duanjuziku.com/duanjuzi/rsz4q8hzp3.html>